

01 - ივლისი 2022 წელი

ერთი მხრივ, მცხეთის მუნიციპალიტეტის მერია (ს/კ 236099789), წარმოდგენილი მცხეთის მუნიციპალიტეტის მერის დიმიტრი ზურაბიშვილის სახით (შემდგომში „შემსყიდველი“) და მეორე მხრივ, შპს „მ-პროექტი“ (ს/კ 412710963) (შემდგომში მიმწოდებელი) წარმოდგენილი მისი ფინანსური დირექტორის ზაზა შიშინაშვილის სახით „სახელმწიფო შესყიდვების შესახებ“ საქართველოს კანონისა, „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების, მიმწოდებლის სატენდერო წინადადების საფუძველზე და NAT220010595 ელექტრონული ტენდერის ჩატარების შედეგად ვდებთ წინამდებარე ხელშეკრულებას შემდეგზე:

მუხლი 1: შესყიდვის ობიექტი

1.1 შესყიდვის ობიექტს წარმოადგენს: CPV71320000 მცხეთის მუნიციპალიტეტის სოფლებში, სპორტული მოედნებისა და სარეკრეაციო დასასვენებელი ზონების მოწყობა/რეაბილიტაციის საპროექტო-სახარჯთაღიცხვო დოკუმენტაცია.

მუხლი 2. ხელშეკრულების ღირებულება

- 2.1. ხელშეკრულების ღირებულება შეადგენს 4940 (ოთხიათას ცხრაას ორმოცი) ლარს.
2.2. ხელშეკრულების ღირებულება მოიცავს კანონმდებლობით გათვალისწინებულ ყველა გადასახადს.

მუხლი 3: მომსახურების მიწოდების ვადები და პირობები

3.1. მომსახურების გაწევის (ხელშეკრულების შესრულების) ვადაა 2022 წლის 09 აგვისტოს ჩათვლით.

მუხლი 4: ხელშეკრულების შესრულების კონტროლი (ინსპექტირება)

4.1 „შემსყიდველს“ უფლება აქვს განახორციელოს ხელშეკრულების შესრულების კონტროლი, რაც გულისხმობს მისაწოდებელი/მიწოდებული საქონლის, გასაწევი/გაწეული მომსახურების ან შესასრულებელი/შესრულებული სამუშაოს რაოდენობის/მოცულობის, ხარისხისა და შესრულების ვადების ხელშეკრულების მოთხოვნებთან შესაბამისობის დადგენას.

4.2 „შემსყიდველი“ ხელშეკრულების შესრულების კონტროლს ახორციელებს მცხეთის მუნიციპალიტეტში განსახორციელებელი ინფრასტრუქტურული პროექტების მიმღები კომისიის (შემდგომში - მიმღები კომისია) მეშვეობით.

4.3 მიმღები კომისიას უფლებამოსილია ხელშეკრულების პირობების შესრულება გააკონტროლოს ხელშეკრულების შესრულების ნებისმიერ ეტაპზე.

4.4 ხელშეკრულების პირობების შესრულებისას გამოვლენილი ნაკლის შესახებ მიმღები კომისია დაუყოვნებლივ წერილობითი ფორმით ატყობინებს მიმწოდებელს და განუსაზღვრავს მას გონივრულ ვადას ნაკლის აღმოსაფხვრელად.

4.5. აღნიშნული მუხლის 4.4 პუნქტის მიხედვით განსაზღვრული ვადის განმავლობაში „მიმწოდებლის“ მიერ ნაკლის აღმოუფხვრელობის შემთხვევაში, მიმღებია კომისია წერილობით მიმართავს „შემსყიდველს“ ხელშეკრულების ცალმხრივად შეწყვეტის წინადადებით.

4.6. აღნიშნული მუხლის 4.4 პუნქტის მიხედვით განსაზღვრული ვადა შესაძლებელია გაგრძელდეს მიმღები კომისიის დასაბუთებული გადაწყვეტილების საფუძველზე.

4.7. აღნიშნული მუხლის 4.6 პუნქტის მიხედვით გაგრძელებულ ვადაში „მიმწოდებლის“ მიერ ნაკლის აღმოუფხვრელობა მიიჩნევა შემსყიდველის მხრიდან ხელშეკრულების შეწყვეტის საფუძველად, რომლის თაობაზეც გადაწყვეტილებას იღებს „შემსყიდველი“ მიმღები კომისიის წერილობითი მიმართვის საფუძველზე.

4.8. მიმწოდებელი ვალდებულია, საკუთარი რესურსებით უზრუნველყოს ხელშეკრულების პირობების შესრულების კონტროლისთვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით

გამოიყენებს საკუთარ ან მოწვეულ პერსონალს, მის/მათ შრომის ანაზღაურებასა და ხარჯებს უზრუნველყოფს თავად შემსყიდველი.

4.9. ყველა გამოვლენილი ნაკლის აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება, საქართველოს კანონმდებლობით დადგენილი წესით, ეკისრება მიმწოდებელს.

4.10. ამ მუხლის არც ერთი პუნქტი არ ათავისუფლებს მიმწოდებელს წინამდებარე ხელშეკრულებით ნაკისრი სხვა ვალდებულებების შესრულებისგან.

მუხლი 5: შესყიდვის ობიექტის მიღება-ჩაბარების წესი

5.1 მიღება-ჩაბარების წინ, მიმღები კომისიის მიერ განხორციელდება მოწოდებული „მომსახურების“ საბოლოო შემოწმება.

5.2. მიღება-ჩაბარებისათვის მიმწოდებელმა უნდა წარმოადგინოს საპროექტო-სახარჯთაღრიცხვო დოკუმენტაცია.

5.3. საბოლოო შემოწმების შედეგად წარმოდგენილ საპროექტო-სახარჯთაღრიცხვო დოკუმენტაციაში ხარვეზების და შენიშვნების არ არსებობის შემთხვევაში, ფორმდება მიღება-ჩაბარების აქტი.

5.4. მიღება-ჩაბარების აქტის გაფორმებაზე შემსყიდველის მხრიდან უფლებამოსილია მიმღები კომისია, ხოლო მიმწოდებლის მხრიდან - მის მიერ უფლებამოსილი პირი.

5.4. მიღება-ჩაბარების აქტი ფორმდება მოწოდებული „მომსახურების“ მიმღები კომისიის მიერ დადებითად შეფასებიდან 7 სამუშაო დღის ვადაში.

5.5. შესაძლებელია „მომსახურების“ მიღება განხორციელდეს ეტაპობრივად, აღნიშნული მუხლის 5.1-5.3 პუნქტებში მითითებული პროცედურების დაცვით.

5.6. თუ საბოლოო შემოწმების შედეგად გამოვლინდება „მომსახურების“ უხარისხობა, მიმღები კომისია წუნდების მიზეზების დეტალური მითითებით დაუყოვნებლივ წერილობით ატყობინებს „მიმწოდებელს“ და მოითხოვს მისგან „მომსახურების“ შეთანხმებულ ხარისხს, რისთვისაც განუსაზღვრავს გონივრულ ვადას.

5.7. „მომსახურების“ მიღების დროს გამოვლენილი დეფექტისა და ნაკლის აღმოფხვრას საკუთარი ხარჯებით უზრუნველყოფს „მიმწოდებელი“, რაც გაწერილია ტექნიკურ დავალებით.

მუხლი 6: ანგარიშსწორების წესი, ფორმა და ვადები

6.1. ანგარიშსწორება განხორციელდება ლარში, უნაღდო ანგარიშსწორების ფორმით, მიმწოდებლის საბანკო ანგარიშზე.

6.2. ანგარიშსწორების განხორციელებისათვის მიმწოდებელმა უნდა წარმოადგინოს საპროექტო-სახარჯთაღრიცხვო დოკუმენტაცია.

6.3. ანგარიშსწორება მოხდება მხარეთა შორის მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის ვადაში.

6.4. წინამდებარე ხელშეკრულების მე-5 მუხლის 5.5 პუნქტით გათვალისწინებულ შემთხვევაში, ანგარიშსწორება წარმოებს საბოლოო მიღება-ჩაბარების აქტის გაფორმების საფუძველზე.

6.4 საბოლოო ანგარიშსწორება განხორციელდება საპროექტო-სახარჯთაღრიცხვო დოკუმენტაციაზე სსიპ - ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ გაცემული ექსპერტიზის დადებითი დასკვნის საფუძველზე. ექსპერტიზის დასკვნის მომზადების ღირებულება ანაზღაურდება მიმწოდებლის მიერ.

6.5 არსებული მდგომარეობის შესწავლა მიმწოდებელმა განახორციელოს ადგილობრივ დეპუტატთან და მცხეთის მუნიციპალიტეტის მერის წარმომადგენელთან ერთად შესაბამის ადმინისტრაციულ ერთეულებში, მიმწოდებელმა მიწოდების ვადის პერიოდში შემსყიდველს უნდა წარუდგინოს მზა პროექტი რომელსაც თან უნდა ერთვოდეს ექსპერტიზის მიერ გაცემული საექსპერტო დასკვნა; საპროექტო ორგანიზაცია ვალდებულია ამ პროექტის მიხედვით შესასრულებელ სამშენებლო სამუშაოებზე განახორციელოს საპროექტო ბედამხედველობა.

მუხლი 7: ფასები

- 7.1 მიმწოდებლის მიერ დაფიქსირებული ფასი წარმოადგენს ხელშეკრულების ღირებულებით პარამეტრებს.
- 7.2 ხელშეკრულების ღირებულებითი პარამეტრების შეცვლა დასაშვებია მხოლოდ მხარეთა შეთანხმების საფუძველზე.
- 7.3 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 7.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

მუხლი 8: მხარეთა უფლება-მოვალეობები

- 8.1. „შემსყიდველი“ ვალდებულია აცნობოს „მიმწოდებელს“ ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.
- 8.2 „შემსყიდველი“ უფლებამოსილია:
- 8.2.1 მოითხოვოს „მიმწოდებლისაგან“ ხელშეკრულებით ნაკისრი ვალდებულებების შესრულება.
- 8.2.2 უარი განაცხადოს ხელშეკრულების პირობების შესრულებაზე იმ შემთხვევაში, თუ „მიმწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა.
- 8.2.3. არ სცნოს „მიმწოდებლის“ არცერთი ვალდებულება, რომელიც არ არის განსაზღვრული ამ ხელშეკრულებით.
- 8.3. „მიმწოდებელი“ ვალდებულია:

- 8.3.1 მიაწოდოს „შემსყიდველს“ „მომსახურება“, რომელიც ხარისხით და სხვა ყველა მონაცემით სრულად შეესაბამება მოქმედ სტანდარტებსა და „შემსყიდველის“ დაკვეთას.
- 8.3.2 დროულად შეასრულოს ხელშეკრულებით ნაკისრი ყველა ვალდებულებანი.
- 8.3.3. შემსყიდველის წინასწარი წერილობითი თანხმობის გარეშე, არ გადასცეს წინამდებარე ხელშეკრულებით ნაკისრი ვალდებულებები მესამე პირს.
- 8.3.4 შეტყობინების მიღებისთანავე, განსაზღვრულ ვადაში განახორციელოს უხარისხოდ შესრულებული მომსახურების ან მისის ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.
- 8.4 „მიმწოდებელი“ უფლებამოსილია:
- 8.4.1 მოითხოვოს „შემსყიდველისაგან“ მის მიერ მიწოდებული „მომსახურების“ ღირებულების სრული ანაზღაურება.
- 8.4.2. განაცხადოს უარი ხელშეკრულების შესრულებაზე ან მის გაგრძელებაზე, თუ დაუძლეველი ძალის ან „შემსყიდველის“ მხრიდან არაკეთილსინდისიერი ქმედების შედეგად მისთვის შეუძლებელი ხდება „მომსახურების“ მიწოდება;

- 8.4.3. აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.
- 8.4.4. მიმართოს სასამართლოს ან სხვა ორგანოებს „შემსყიდველის“ მიერ ხელშეკრულების პირობების დარღვევის გამო.

- 8.5. მიმწოდებლის მიერ ვალდებულების შეუსრულებლობის შემთხვევაში, შემსყიდველი უფლებამოსილია თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

მუხლი 9: მხარეთა პასუხისმგებლობა

- 9.1 მხარეები იღებენ პასუხისმგებლობას ხელშეკრულების სრული და უპირობო შესრულებისთვის.
- 9.2. მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების პირობების შეუსრულებლობისათვის ან არასრულად შესრულების შედეგად

9.3 მიმწოდებლის პასუხისმგებლობა ხელშეკრულების პირობათა დარღვევის შემთხვევაში, ვრცელდება როგორც მისაწოდებელ „მომსახურებაზე“, ასევე „შემსყიდველისათვის“ იმ დანახარჯების ანაზღაურებაზე, რაც აუცილებელია შესრულებისათვის.

9.4 ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის, შესრულების (მიმწოდებლის მხრიდან - მომსახურების გაწევის ან შემსყიდველის მხრიდან - ანგარიშსწორების) ვადის გადაცილების ან ვალდებულების ნაწილის შეუსრულებლობის შემთხვევაში, მხარეს დაეკისრება პირგასამტეხლოს გადახდა - ყოველ ვადაგადაცილებულ დღეზე ხელშეკრულების ღირებულების 0.02 %-ის ოდენობით.

9.5 პირგასამტეხლოს არსებობის შემთხვევაში, შემსყიდველი მიმწოდებელთან ანგარიშსწორებას განახორციელებს მხოლოდ მას შემდეგ, რაც შემსყიდველის მიერ ჩასარიცხი თანხიდან დაკავებული იქნება პირგასამტეხლოს ოდენობა.

9.6 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს, მხარეს უფლება აქვს ცალმხრივად შეწყვიტოს ხელშეკრულება.

9.7 საჯარიმო სანქციის გადახდა არ ათავისუფლებს მხარეს ძირითადი ვალდებულებების შესრულებისაგან.

9.8 „მიმწოდებლისთვის“ პირგასამტეხლოს დაკისრება ხორციელდება „შემსყიდველის“ ინდივიდუალურ-ადმინისტრაციული სამართლებრივი აქტით, მიმღები კომისიის წერილობითი მიმართვის საფუძველზე.

მუხლი 10: დაუძლეველი ძალა (ფორს-მაჟორი)

10.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

10.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მომწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

მუხლი 11: ხელშეკრულების შეწყვეტა

11.1 „შემსყიდველს“ უფლებამოსილია სრულად ან ნაწილობრივ შეწყვიტოს ხელშეკრულება „მიმწოდებლისათვის“ წერილობითი შეტყობინების შემდეგ, თუ „მიმწოდებელს“ ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს ხელშეკრულებით გათვალისწინებული „მომსახურება“ ან მისი ნაწილი;

11.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.3 გარდა აღნიშნული მუხლის 11.1 პუნქტისა, „შემსყიდველი“ აგრეთვე უფლებამოსილია მიიღოს გადაწყვეტილება ხელშეკრულების შეწყვეტის შესახებ:

ა) იმ შემთხვევაში, თუ „შემსყიდველი“, მისგან დამოუკიდებელი ობიექტური მიზეზების გამო, ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) „მიმწოდებლის“ გაკოტრების შემთხვევაში;

დ) საქართველოს კანონმდებლობით გათვალისწინებულ სხვა შემთხვევებში.

11.4. ხელშეკრულების შეწყვეტის თაობაზე მიმღები კომისიის დასაბუთებული წინადადების საფუძველზე, „შემსყიდველის“ მხრიდან გამოიცემა ინდივიდუალურ-ადმინისტრაციული სამართლებრივი აქტი.

11.5. ხელშეკრულების შეწყვეტის თაობაზე წერილობით შეტყობინებას, შესაბამისი საფუძვლების მითითებით, ახორციელებს მცხეთის მუნიციპალიტეტის მერიის შესყიდვების განყოფილება.

11.6. ხელშეკრულება შეწყვეტილად ითვლება „მიმწოდებლისათვის“ წერილობით შეტყობინების ფოსტის მეშვეობით გაგზავნის შემთხვევაში გაგზავნიდან არა უგვიანეს მე-7 დღისა, ხოლო ელექტრონული სახით გაგზავნის შემთხვევაში - წერილის მიღების დადასტურებისთანავე.

მუხლი 12: ხელშეკრულებაში ცვლილებების შეტანა

12.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

12.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

მუხლი 13. სადავო საკითხების გადაწყვეტა

13.1. მხარეებმა ყველა დონე უნდა იხმაროს, რათა ურთიერთმოლაპარაკებების პროცესში შეთანხმებით მოავარდონ ყველა უთანხმოება და დავა, წარმოქმნილი მათ შორის. ხელშეკრულების ან მასთან დაკავშირებული სხვა კომპონენტის ირგვლივ.

13.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში მხარეები ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულებაში სხვა რამ არ არის გათვალისწინებული.

მუხლი 14: ხელშეკრულების ენა

14.1 ხელშეკრულების ენაა ქართული.

14.2 იმ შემთხვევაში, თუ ხელშეკრულების მეორე მხარეა უცხო ქვეყნის წარმომადგენელი, ხელშეკრულების მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას გადამწყვეტია ქართულ ენაზე შესრულებული ხელშეკრულება.

14.3 ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

მუხლი 15: ურთიერთობა მხარეებს შორის

15.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

15.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

მუხლი 16: გადასახადები და დაბეგვრა

- 16.1 უცხოელი მიმწოდებელი პასუხს აგებს მისაწოდებელი მომსახურების წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.
- 16.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

მუხლი 17: ხელშეკრულების სხვა პირობები

- 17.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 17.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 17.3 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 17.4 გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.
- 17.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

მუხლი 18: ხელშეკრულების მოქმედების ვადა

ხელშეკრულების მოქმედების ვადაა ხელშეკრულების გაფორმებიდან 2023 წლის 31 მარტის ჩათვლით.

მუხლი 19: მხარეთა რეკვიზიტები

შემსყიდველი

მცხეთის მუნიციპალიტეტის მერია
მის: ქ. მცხეთა, ანტიოქიის 7
ს/კ 236099789
ბანკი: სახელმწიფო ხაზინა
ბ.კ TRESGE22
ა/ა GE24NB0330100200165022
ტელ: 2512696

მცხეთის მუნიციპალიტეტის მერი
დიმიტრი ზურაბიშვილი



მიმწოდებელი

შპს მ-პროექტი

ა.წერეთლის გამზირი N117დ კორპ. საოფისე ფართი
N125. z.shishinashvili@gmail.com
ს/კ 412710963
TBC თიბისი ბანკი
TBCBGE22
GE35TB7970836080100006
551154035

დირექტორი

ზაზა შიშინაშვილი